



CONVENIO DE COLABORACIÓN ENTRE O CONCELLO DE BOQUEIXÓN E A FEDERACIÓN GALEGA DE ESPELEOLOXÍA PARA A REALIZACIÓN DE VISITAS GUIADAS DA COVA DO PICO SACRO.

Boqueixón, na data da sinatura electrónica.

REUNIDOS:

Dunha parte, D. Manuel Fernández Munín, como alcalde do Concello de Boqueixón, con enderezo en Forte, s/n. Boqueixón, 15881 A Coruña.

Doutra parte, D. Francisco Manuel Martínez García, como Presidente en funcións da Federación Galega de Espeleoloxía, con enderezo en Rúa Fotógrafo Luís ksado, nº 15 oficina 17- casa do deporte, 36209 Vigo.

Ambas partes, recoñecéndose mutuamente capacidade xurídica suficiente, subscriben en nome e representación ás respectivas entidades, o presente documento e ó efecto.

EXPOÑEN:

PRIMEIRO. Que o Concello de Boqueixón ten a titularidade do recurso “Pico Sacro” e dentro da súa responsabilidade institucional e dentro dos seus obxectivos patrimoniais, culturais e sociais atópase a conservación, protección, posta en valor, promoción e fomento do coidado de dito recurso por parte da poboación.

SEGUNDO. A Federación Galega de Espeleoloxía ten entre os seus obxectivos a colaboración no coidado, fomento da protección, dar a coñecer de xeito controlado e guiado co fin de fomentar a conservación dos recursos espeleolóxicos significativos galegos, así como tamén o fomento do deporte e dos valores positivos vinculados co mesmo.

TERCEIRO. A Cova do Pico Sacro conta con dúas entradas, situadas a 514 m de altitude (UTM 545248,27; 4739568,31) e a 505 m (UTM 545276,89; 4739554,28). A cova subdivídese en catro zonas, todas con toponimia contrastada:

- Zona I: o Pazo da Raiña Lupa. Entrada superior, galería subhorizontal ascendente-descendente de 16 m, e enlaza coa cota 0 do pozo central.
- Zona II: o Pozo do Pico. Pozo central, pendente media de 60º, percorrido vertical total de 32 m, e desenvolvemento de 14 m entre as cotas +13 m e -19 m. Diferéncianse dúas subzonas:
 - Subzona II-A: a Cheminea. Parte superior do pozo.
 - Subzona II-B: o Pozo do Pico. Vertical de 21 m, que chega ata o denominado Burato dos Mouros, onde se une coa Contramina de Juan Antón.
- Zona III: a Contramina de Juan Antón. Entrada inferior formada por un pozo artificial cunha pendente de 50º, e unha vertical, actualmente de 10 m. Por el accédese ás zonas II e IV.
- Zona IV: o Burato dos Mouros. Zona de unión entre o Pozo do Pico e a Contramina de Juan Antón. Este paso, na topografía realizada no ano 1956 polos irmáns Veiga, do Clube Montañeiros Celtas de Vigo, tiña unha altura de 4 m; pero actualmente reducida a unha gateira de uns 50 cm pola que se pode acceder a base do do Pozo do Pico da subzona II-B.

CUARTO. Tanto a Federación Galega de Espeleoloxía como o Concello de Boqueixón coinciden plenamente nestes obxectivos comúns, co que ambas partes manifestan a súa vontade de establecer un marco de colaboración para a realización de visitas guiadas nas covas do Pico



Sacro que levan a efecto con suxeición ás seguintes:

CLÁUSULAS:

PRIMEIRA. MARCO XERAL DA COLABORACIÓN E OBXECTIVOS.

A finalidade do presente convenio consiste no establecemento dun acordo polo que o Concello de Boqueixón se compromete a desenvolver xunto coa Federación Galega de Espeleoloxía un programa de visitas guiadas culturais, deportivas e turísticas nas covas do Pico Sacro e a regulamentación das citadas visitas entre o público en xeral, deportistas, clubs deportivos, entidades culturais e deportivas, co obxectivo de:

1. Posta en valor e difusión do patrimonio cultural e histórico do Pico Sacro e das covas.
2. Facilitar o coñecemento e fomentar o coidado medio ambiental do Patrimonio Natural das Covas do Pico Sacro e o seu entorno ó público en xeral e ós centros educativos como entidades.
3. Contribuír a mellorar o deporte base e formar ós federados en espeleoloxía, baixo 3 ideas: deporte como saúde, fomentar a educación sobre esta disciplina e mellora da práctica deportiva.
4. Fomento do deporte na natureza e da vida saudable baseado no respecto polo patrimonio natural.
5. Promoción a nivel turístico do patrimonio xeolóxico pero baseada na protección e fomento do coidado do medioambiental.

SEGUNDA. COMPROMISOS DAS PARTES.

A Federación Galega de Espeleoloxía comprométese a:

1. Formalizar legalmente durante a vixencia do presente convenio e durante a programación das visitas, os seguros de responsabilidade civil e de accidentes precisos para poder desenvolver as visitas guiadas para participantes e guías.
2. Organizar o equipo de traballo necesario para poder desenvolver as visitas espeleolóxicas nas covas do Pico Sacro, realizar o guiado das visitas ás covas con técnicos deportivos titulados segundo o establecido no Real Decreto 64/2010, de 29 de xaneiro, polo que se establece o título de Técnico Deportivo en espeleoloxía e se fixan as ensinanzas mínimas e os requisitos de acceso; as Cualificacións Profesionais: AFD 503_2 Guia de Espeleología y AFD 504_2 Iniciación Deportiva en Espeleología (BOE 04/03/2011) ou o Certificado de profesionalidad AFDA Guia de Espeleología recollido no R.D. 982/2017 de 13 de decembro. Será a Federación Galega de Espeleoloxía a que establecerá a relación laboral cos técnicos que guiarán as visitas.
3. Aproveñar ós/ás participantes co equipamento (monos desbotables, luvas, cascos con sistemas de iluminación, baterías, etc) necesario para desenvolver de xeito seguro a actividade.
4. A Federación Galega de Espeoloxía equipará para as baixadas ás covas con cargo ós seus orzamentos con:
 - 2 escalerillas elektron
 - 2 cordas de seguro semiestáticas de 30 metros
 - 8 mosquetóns con seguro
 - 2 descensores tipo Dresler
 - 6 cascos de espeleoloxía con iluminación
 - 6 arneses de peito co seu correspondente mosquetón de seguro
5. Presentar unha previsión/valoración anual dos custos asumidos pola Federación en concepto de seguros e equipamentos e que subvencionará o concello de Boqueixón.
Conceptos subvencionables: buzo PPTNT con capucha e cremalleira, luvas, baterías, seguros de responsabilidade civil e accidentes de participantes.
6. Xustificar con data límite do 15 de novembro de 2022 ante o concello de Boqueixón a



cantidade de 691,20 € referente ós custos asumidos cos conceptos de seguros ou equipamentos necesarios para poder desenvolver as visitas ás covas, para proceder o concello ó ingreso da citada cantidade no número de conta do que sexa titular a Federación Galega de Espeleoloxía. A xustificación debe conter a seguinte documentación:

7.

- facturas dos gastos relativos á actividade desenvolta no 2022
- xustificantes bancarios correspondes
- certificados acreditativos de non ter débedas coas Administracións Públicas con potestade tributaria e coa Seguridade Social
- copias das pólizas do seguro de responsabilidade civil e de accidentes correspondentes
- declaración xurada de non estar en ningún dos supostos de prohibición para a percepción de subvencións que se establece nos artigos 10 e 13 da Lei 38/2003, do 17 de novembro, xeral de subvencións e da Lei 9/2007, do 13 de xuño, de subvencións de Galicia.

8. Aportar ó concello de Boqueixón unha memoria final anual onde se recollan datos estadísticos de visitantes (número total, idades, sexo, procedencia, etc) e ingresos totais percibidos.

9. Ser a entidade xestora da organización das visitas e dos grupos de participantes, contratación dos seguros de RC e accidentes pertinentes, das incidencias que poidan xurdir e do mantemento, desinfección e cambios necesarios no equipamento para os/as participantes e guías. Informando das posibles incidencias ou variacións no desenvolvemento das visitas ó concello de Boqueixón.

10. Ser a entidade xestora e receptora final do cobro das visitas ós/ás participantes.

11. Reservar 16 prazas para as visitas ó ano para pór á disposición do concello de Boqueixón de xeito gratuíto. Estas 16 prazas serían a maiores das 96 prazas ofertadas ó publico xeral.

12. Publicitar a axuda económica do concello a actividade.

O Concello de Boqueixón comprométese a:

1. Manter a autorización pertinente do Servizo de Patrimonio Cultural para a realización da actividade.
2. Realizar e coordinar a difusión e promoción da actividade nos medios de comunicación, redes sociais, web, etc.
3. Ingresar na conta bancaria da Federación Galega de Espeleoloxía 619,20 € en concepto de colaboración e apoio para a realización das visitas guiadas espeleolóxicas, previa presentación da conta xustificativa ante o concello de Boqueixón dos gastos efectivamente realizados para a realización da actividade.
4. Non percibir ningúnha cantidade económica relativa ó cobro das visitas nin da actividade en xeral.
5. Tramitar anualmente a xestión do convenio de colaboración para a realización das visitas espeleolóxicas.
6. Permitir o uso do Centro do Interpretación do Pico Sacro ou instalacións anexas para impartir formación previa nas visitas deportivas e para gardar o equipamento necesario dos participantes e dos guías para as visitas.

TERCEIRA. VIXENCIA.

O presente convenio terá vixencia dende o 01 de xullo de 2022 ata o 31 de decembro de 2022.

CUARTA. PROGRAMACIÓN DE VISITAS.

PROGRAMACIÓN INICIAL:

Visitas turísticas os días: 30/07/22, 27/08/22, 24/09/22 e 22/10/22.



Nas seguintes quendas cada día:

10:00h.- 12:00h.

12:00h.- 14:00h.

15:00h.- 17:00h.

17:00h.- 19:00h

Participarán un total de 6 persoas en cada quenda, sumando 24 persoas/día e un total de 96 persoas ó peche da actividade no 2022.

2 monitores dirixirán as baixadas en cada quenda.

Esta programación inicial está aberta a modificacións dependendo da climatoloxía.

UBICACIÓN: Contramina de Juan Antón do Pico Sacro (Lestedo- Boqueixón).

ORGANIZACIÓN:

As visitas organizaranse en grupos pechados de máximo 6 persoas/quenda. Estarán abertas ó público maior de 11 anos.

Organizaranse mediante inscrición previa cos datos persoais e de contacto necesarios dos/as participantes no formulario web creado con este fin e que a unha persoa designada pola Federación xestionará.

Cada visita guiada terá un custo de 15€ por participante, que deberán ingresar directamente na conta bancaria que a Federación Galega de Espeleoloxía indique.

Os/as participantes non precisan coñecementos previos de técnicas de espeleoloxía para realizar a baixada.

O punto de encontro para participantes será o Centro de Interpretación do Pico Sacro en Cachosenande- Lestedo. Á chegada das persoas participantes, faráselle unha pequena visita guiada polo Centro de Interpretación ofrecendo información sobre a orixe, formación, mitoloxía do Pico. A continuación, as persoas participantes asinarán a declaración xurada sobre a súa situación médica idónea para realizar a visita á cova e procederase coa formación impartida por monitores da escola de espeleoloxía para instruílos sobre o uso do equipamento e facer unha práctica con este equipamento.

Unha vez finalizada a práctica, cada participante sube no seu propio vehículo ó Pico Sacro e iníciase a baixada á cova pola contramina de Juan Antón.

EQUIPAMENTO PARTICIPANTES: Facilitarase ós/ás visitantes todo o material que precisen para poder realizar as visitas cumprindo coas medidas de seguridade (mono, casco con luz, luvas, arnés, cinturón de peito, corda de seguro, descendedor, escaleira de cable).

REGULAMENTO:

En ningún caso os/as visitantes poderán levantar ou extraer pedras ou sedimentos das covas, nin ningún tipo de manipulación das formacións das covas e deberán pisar nos lugares indicados polo guía.

Os visitantes deberán seguir en todo caso as indicacións de seguridade que lles de o guía, tanto na formación que se lles imparta no Centro de interpretación como na visita á cova

QUINTA. NORMATIVA APLICABLE.

O presente convenio será interpretado e cumprido nos seus propios termos e, no previsto, rexerá pola lexislación española na materia, axustándose a mesma ás obrigacións e responsabilidades das partes.

Para a resolución de calquera conflito que se expoña en canto á interpretación, desenvolvemento ou execución do presente convenio, as partes sométense á xurisdición dos Xulgados e Tribunais competentes.

E para que así conste e en proba de conformidade, asíñase o presente documento e a un só efecto no lugar e data indicados no encabezamento.



Manuel Fernández Munín, alcalde- presidente do concello de Boqueixón.

Francisco Manuel Martínez García, presidente en funcións da Federación Galega de Espeleoloxía